

首先錯遞公文比例降一級調用接遞各官亦查叅

兵部題先經

行在軍機處交出發

和爾前侍衛和碩額駙福隆安夾板一副經

行在兵部發票馬上飛遞註明由德州水路趕送接遞
由旱路遞送交至臣部隨即另發大票由水路沿
河遞送探投並行文直督東撫卽速查明係何站首
先不行詳查以及下站率行接遞之名臺站官員職

名送部分別查議在案今駐東撫崔 崧稱查係本年三月二十二日自林家庄站

行至兵部交出火票軍機處發

御前旨衛和碩額駙福隆安夾板一副查火票既經註明自德州前往京城由水路投遞自應遵照交沿河驛遞換投乃竟交劉知廟臺站北送致由旱路至京所有錯誤職名係管理德州正站德州營中軍守備嚴玉珂樹合咨參等因應將管理德州正站守備嚴玉珂比照奏章不度驛接遞彼此互越者降一級調用

例降一級調用至沿途不行查出率行接遞之各站
站員弁應俟查悉到日再議可也乾隆三十年九月
二十九日奉

旨依議

旗員病故回旗未給兵牌查給未

旨寬免

關浙總督三 奏本年四月二十五日接准江蘇撫
臣楊 咨據長洲縣詳稱查有原補福建福寧鎮中
營遊擊松齡係泊馬頭僅止家丁張鳳平扶柩回
旗傳訊張鳳平據稱籍隸北通州家主珠爾松阿係
正紅旗人奉發福建候補遊擊上年補授福寧
鎮中營遊擊于七月二十九日病故棺柩係撫標實
叅將差家人劉仲奎幫同該家丁自雇船隻於本年

二月初七日自福建起程送回並未領有兵牌等語
訊據劉仲奎供亦相同查旗員珠爾松阿病故例應
請給兵牌沿途發還回籍今稱並無兵牌是否該家
丁遺失無存有無假冒抑或另有家口無可憑信必
須查實辦理除將柩船移營回縣役守護外詳請咨
查等情咨詢前來臣隨查卷僅有申報已補福寧領
中營遊擊珠爾松阿尚未領柩赴任在省病故之案
並無請給兵牌護送柩屍之文當行藩司暨標下中
軍副將撫標中軍叅將確查去後茲據布政使德詳

新移查中軍副將常福撫標中軍參將寶誠覆辦查
候補遊擊珠爾松阿係正紅旗副護軍叅領發閩候
補遊擊於乾隆四十三年閏六月題補福建福寧鎮
中營遊擊緣該員先委署汀州右營遊擊卽事回標
候領劉付適因患病沉重尚未赴任卽于十月二十
九日在省身故移查糧驛道應否請領勘合嗣准覆
稱候補遊擊珠爾松阿既非在署又未在任未便遽
例詳給勘合等因常福以該員並未攜帶親丁眷屬
只有家人張鳳平一名一時失于查例未經詳請兵

牌因與實誠相商將其遺物先行寄京請給公捐路費由實誠差遣家人劉仲奎協同張鳳平雇船送柩回旗于本年二月初七日自省起程等情詳覆到臣臣查旗員病故例應遣其家口姓名清冊發給兵牌沿途保護在該故員珠爾松阿雖未携帶親丁眷屬現有棺木及跟隨家人亦應請給兵牌撥兵護送今標下中軍副將常福並未請給以致柩船行抵蘇州經長洲縣查出詳咨閩省辦理疎漏實有不合除將查明情由咨覆江蘇撫臣就近填給兵牌經由江蘇

省沿逆撥護回旗並咨兵部暨正紅旗蒙古都統在
照外所有遺漏請給兵牌職名係督標中軍副將富
福失察職名係前任福州府今調任汀州府知府景
昌勒休候官縣知縣葉某前署布政使糧廳道李慶
棻既爲請給公捐路費又不稟會詳給兵牌亦屬疎
忽相應一併附奏請

旨制部分別議處所有接准江蘇撫臣咨詢及臣查辦
緣由理合據實繕摺奏

聞伏乞

皇上睿鑒乾隆四十四年六月十六日奉
硃批此亦可寬也欽此

卷二十二終

所見集

浙杭仁和馬世璠仕仙瀾 男德錫時若校字

抄存吳三桂逆稿比照大逆凌遲家屬爲奴

大學士忠勇公傳 等謹奏乾隆二十二年四月二

十一日欽奉

上諭河南夏邑等縣被災一事臣等遵卽提犯嚴訊據段
昌緒供我批點檄文逆稿原係夏邑縣生員司淑信
表叔郭芳彝之物郭芳彝父子相繼病故所遺書籍
司淑信携歸檢理內有吳三桂逆稿一紙司淑信看

後以爲這年字蹟無關緊要夾於書內乾隆二十一年十月內司淑信族弟司存存至家翻閱書籍見有此稿卽行抄錄至上年七月初旬司淑信家書房被水坍塌所有書籍泡爛無存而司存存所抄底稿上年六月內因段昌緒向伊借看文章卽將這稿給看併爲抄錄一紙段昌緒携歸妄加圈點併批有天下大文章及冠冕悲壯等字次日又加數筆劃切痛切快切八字至十二月內段昌緒族姪段于魯到伊家看見此稿段昌緒復稱爲天下大文章段于魯因不

賤文理不能句讀未經細閱而止此外亦並無別人傳抄等情臣等以段昌緒於梓逆之詞反加評贊顯係大逆惡徒卽司存存等抄發閱看自必別有傳播司淑信收藏逆稿詭云得自死絕之郭姓題有根條希圖脫漏情弊遂一夾訊該犯等堅稱自知稿內詬言梓亂私相錄看此外並無流傳卽段昌緒亦自認梓逆該死各犯均矢前供似無別情隨提訊彭家屏有無收藏吳逆偽檄抄存明末野史究係所載何事併如何主使司爲政告狀復令家人佃戶張揚慈馨

據彭家屏供稱在江西布政使任內原任金谿縣知縣錢治曾問索崑山徐乾學藏書錢治即將所得明末野史抄本幾種送與自得書之後收藏在家並未給人抄寫亦無存留吳逆偽檄至司爲政等具呈告官伊姪彭型曾向告知伊有告官必致吃虧不如借謝恩爲名等語自認知情屬實嚴訊彭傳笏據供於本年四月內聽聞地方官搜查段昌緒家收藏書本一時驚懼遂將伊父任所帶回書籍檢出抄本幾種有稱日本乞師及路河記聞甲子事案內中諸承歷

私立南渡錄等名色併記憶不清之什麼灰錄俱係
明末野史恐有開碍言謂於四月十六日悉行燒燬
比因一時恐懼急迫不曾檢看書中是何詞句並不
知此書是何處得來等情家人李湘供亦與伊子彭
傳笏所供無異臣等以彭家屏所戴明末野史如果
並無詆毀悖逆之語何以一聞搜查卽行燒燬明係
翻閱已熟知有逆詞是以急圖滅跡希冀支飾狡脫
嚴加究詰彭家屏供認初得書時曾經翻看內有敘
入明太監用事及流賊擾害等類以後未及詳閱伊

子彭傳笏亦供稱臨燒之際未曾細看書中自然有千禩之語畏懼焚燒又同供書本已經燒燬如何還說沒有悖逆詞句實屬無可置辯等語伏念

國家造基東土

聖哲挺生天與人歸永清中夏當年吳逆叛亂立即滅亡百餘年來

聖聖相承湛恩愷澤浹淪肌凡有血氣莫不尊親乃有魍魎魍魎之徒私挾鬼域么麼之技抄存吳逆敝文更復病狂喪心加之批點毒吠狂言天良滅絕若不

明正典刑無以創懲惡逆段昌緒將逆稿圖點贊美
與大逆無異應比照大逆凌遲處死律凌遲處死至
該犯家口先經臣方觀承查明該犯並無子嗣所有
該犯之妻司氏妾陳氏應解部賞給功臣之家爲奴
財產入官司存存抄存逆稿復爲轉錄司淑信所藏
逆稿不行銷燬均應比照大逆係內知情隱藏者斬
決律擬斬立決司玉鳴段于魯既經聞知逆稿不卽
首報法亦難寬應均照他人造傳私有妖書隱藏不
送官者杖一百徒三年律各杖一百徒三年段昌緒

等係屬劣矜該管各官漫無覺察應交部嚴加議處
至如彭家屏歷任大員受

恩深重苟有人心自應感激奮勉以圖報効乃於地方
偶遇災被仰荷

聖恩垂問因其陳奏卽申飭巡撫令其會同查辦彭家屏
不知感激

天恩輒思邀譽鄉井又復暗中主使司爲政等遞道陳訴
今據伊姪彭型所供與伊自認之語情形如繪是其
飾欺已極不法但此猶屬彭家屏輕罪惟查審段昌

諸批點逆稿一案蒙

皇上親加訊問彭家屏自行供出收藏明末野史等類開
列名目正在查覽書中詆毀逆詞而伊子彭傳笏已
潛行燒燬如果並無悖逆詞句何必燒燬今觀其燒
燬藏跡則書內之悖逆妄誕自屬顯然彭家屏之購
置收藏與段昌緒之抄存逆稿同一悖逆但書既無
存該犯有無圖點批評無憑查考似應免其與段昌
緒一律問擬彭家屏除唆使告販輕罪不議外應請
照大逆律量爲區別擬斬立決伊子彭傳笏擬斬監

候秋後處決家人李湘聽從彭傳笏將書燒燬應免其置議所有查封家產行令該撫辦理具奏司爲政彭型等應照該撫所奏辦理完結乾隆二十二年六月二十一日奉

旨軍機大臣會同九卿科道等審擬段昌緒彭家屏一案段昌緒抄錄偽檄圖點評贊悖逆已極其罪自不容誅至彭家屏前因段昌緒家查出偽檄彼時以該處人心惡劣卽彭家屏家亦不能保其必無因降旨嚴查及到京後召九卿科道面訊彭家屏所問者偽檄

及詆毀悖逆類於悖逆僞檄之書耳而彭家屏果供
出抄存明末野史數種蓋彼時彭家屏意中以朕已
查獲伊家中書籍難以狡飾是以據實供認尙冀寬
減萬一而伊子不知希圖滅跡先以風聞燒燬若使
此數種書中果無悖逆詆毀之言亦何必作此鬼域
伎倆耶且彭家屏乃李衛門下一走狗耳其性情陰
鷲恩怨最爲分明從前每當奏對時於鄂爾泰鄂容
安無不竭力詆毀朕因此深薄其爲人平心而論鄂
爾泰父子雖未必能比古良臣而較之李衛其相去

何嘗容讓是彭家屏之傾險狡詐已可概見但服官已久小有幹具是以歷加陞用伊在藩司中資俸最深而終不畀以封疆重任者蓋恐其乖張自用不獨一省官民胥受其害而伊亦必致重于罪譴正深予保全之意乃伊遂心懷觖望托病曠官今春南巡前來接駕奏及夏邑等縣被災情形朕卽召巡撫圖爾炳阿在伊前面加質責併令其同往查勘其所以不卽治圖爾炳阿違災之罪者實以本地縉紳一言違爲斥一巡撫此風斷不可長而仍諄諄面諭圖爾炳

阿不得因此校嫌借事報復朕之始終成全彭家屏
如此者乃前於九卿科道等召對面訊伊朕降旨於
巡撫爲恩待汝乎非恩待汝乎伊但稱皇上大公非
爲臣一人其詞色毫不知恩此豈非滅絕天良者乎
以彭家屏居心觀之則其所抄藏者自係詆毀悖逆
之詞又焉知其不加以批閱評點耶其所供之書俱
稱得自崑山徐乾學家此時若逐加根究何難追出
原本然蔓引株連獲罪者衆朕所不忍試思本朝撫
有中夏厚澤深仁休養生息薄海臣民共享太平之

福自漢唐宋明以來實罕與倫比在定鼎之初野史
所記好事之徒荒誕不經之談無足深怪乃迄今食
毛踐土百有餘年海內縉紳之家自其祖父世受國
恩何忍傳寫收藏此實天地鬼神所不容未有不終
於敗露者如段昌緒彭家屏之敗露豈由搜求而得
者乎此後臣民中若仍不知峻改消滅天道自必不
容令其敗露亦惟隨時治以應得之罪耳彭家屏本
應斬決但所藏之書既經滅毀罪疑惟輕著從寬改
爲斬候其緣坐妻妾並免其入官爲奴司存存司淑

信俱從寬改爲應新彭傳笏依擬應新俱著監候秋
後處決其彭家屏家產原應入官且伊擁有厚貲田
連阡陌而爲富不仁凌虐細民鄉里側目著派侍衛
三泰郎中蘇爾德前往查明應入官者卽行入官其
房地著加恩酌量留給養贍家口外所餘田畝分賞
該處貧民交該撫胡寶瑔妥協辦理並將此通行曉
諭知之欽此

[illegible]

潛出外夷幫匪爲叛比例擬絞從犯比例擬單
夷人隨入內地比例發六百里外營縣安插

刑部會看得崇善縣已革生員葉泰卽葉配芝與周
老六潛出交趾教誘貽害一案據廣撫楊 疏稱查
韋福瑄在交趾作亂其起事根源及有無中國之人
在彼幫助未據該國王咨報今韋福瑄已在彼國就
戮葉泰周老六果否爲韋福瑄軍師卽傳與招兵之
處事在外夷均無指証但據葉泰自認與韋福瑄商
量用兵不諱實係交通夷目生事爲匪之人查律例

內無中國人在外夷幫助爲叛罪治正條惟查律載
越度緣邊關塞因而潛出交通外境者絞監候等語
應將葉葵擬絞監候周老六提軍葉時新毛全士均
擬徒分別責革具題除葉葵私越關津違禁買面男
女輕罪不議外應如該撫所題葉葵合伙越度緣邊
關塞潛出交通外境者絞監候律應擬絞監候秋後
處決周老六堅供並未爲韋臨琯教師但倚傍夷匪
圖其衣食亦屬不合應比照結交外國引惹起釁及
潛往苗寨教誘爲亂貽害地方除首犯死罪外問發

遇遠克軍至配所杖一百折責四十板該犯俱無妻
室應飭移查原籍取結至日另咨送部集時新所帶
夷人亞發等皆因交地兵亂情願隨入內地尙非誘
畧與販可比應照私越肩度關津律杖一百徒三年
至配所折責四十板毛全士賄放葉時新私帶夷口
入隘應照把守之人知而故縱者同罪律應杖一百
徒三年係土人照律折責柳號四十日滿日責四十
板革役恩陵州隘口只係土目管守並無書役受賄
私放情弊應另庸議黎氏所生之子聽葉時新收養

被誅之夏老四省釋回家毛全士敬出業時新買賄
入口銀銅銀七兩二錢照追人官至兵丁盧國樑得
受金銅一案先經咨部俟咨革把總何昆部覆至日
審擬另案完結今現准部覆斥革應俟審明另案歸
結等語應如該撫所題完結再黎文暎等均係外夷
男婦明知葉葵等潛出外夷爲匪之犯將女許嫁跟
隨潛入內地均干律擬未便將伊等解回原籍安插
查例內土人潛往外省生事爲匪不分首從發邊遠
克軍照例枷責又例內土蠻猺獠有犯軍流等罪將

本犯照例治罪外仍同家口父母子姪一并遷徙六
百里外安插等語應將黎文映等均比照此例枷號
八十日發六百里外之營縣安插麥氏等係婦人均
照律收贖俱交黎文映等一同安插再該撫疏稱失
察隘口土目毛全士得賍私放夷口入隘係思陵土
州知州韋曰烜相應附參聽候部議等語查定例外
國之人私自進口該管地方官不行查報者降一級
調用該管上司罰俸一年又定例土官如應降一級
二級三級調用者止降一級留任等語應將失察之

土知州韋曰煜降一級調用查係土官應照例降一級留任至此案之該管上司均例有處分應行令該撫查明補叅到日再議乾隆九年十一月初四日奉旨葉素依擬應敘著監候秋後處決餘依議

謀爲不軌案內招接匪黨惡犯敢改新決

刑部題先據湖督審題馬朝柱潛謀不軌案內續獲
逃犯熊有勝一案緣熊有勝係在逃逆匪熊得勝之
弟續獲到案該犯年僅十九訊無同謀情事但與伊
兄同居知情事發聞拿又隨上天馬山寨應從重照
謀叛未行爲從律擬流照例改遣烏刺地方知情容
留之王勝周照知人犯罪事發官司差人追喚而藏
匿在家不行告捕減罪人第一等律杖一百徒三年
具題經臣部以熊有勝年已十九重非幼穉既與伊

兄熊得勝同起知情事發又隨上山且查該犯供詞
伊兄熊得勝令伊在家等候接人有銀者令其上名
無銀者不必等候隨有陶姓等五人欲行上名該犯
會給飯食并令住宿是該犯不惟知情竟係幫同伊
兄招接熊黨之犯今該督將熊有勝從重擬流改遣
則與不知情緣坐應流改遣者無所區別應令該督
另行妥擬到日再議知情容留之王勝周應侯該督
將熊有勝罪名定後再議題駁去後續據該督將熊
有勝改依謀叛已行不分首從皆斬律擬斬立決王

勝周改依知情嚴匪律擬絞立決已經病故毋庸議
具題臣部照擬議覆乾隆十八年九月 日奉
旨熊有勝著卽處斬餘依議

[illegible]

結拜弟兄比照捕血訂盟例首絞從犯分別發遣流徙

刑部會看得番禺縣民劉仰蒼等結拜兄弟一案據廣東撫德疏稱緣劉仰蒼與李茂斯劉開朋均充更夫素相熟識乾隆三十五年八月初十日劉仰蒼往官橋墟看戲與李茂斯劉開朋相遇入店飲茶彼此談及更夫時常有人攬奪劉仰蒼糾人結拜兄弟藉護把持使人畏懼李茂斯等應允隨各分頭糾夥劉仰蒼陸續招得劉會賢劉興文黃朝貴何阿五黃

成招李亞秋李定邦李秀儒關綱朝袁茂昌李日蓮

何拔慶徐益龍又請脅劉芝凡劉發朝劉學朝等十

七人黃成昭轉糾李成甲蕭澤而二人李茂斯糾得

李亞六李上拔李居文李不斯李上達張勝觀黎東

禮李勝添張成望張亞戈侯亞位黃松舒李作禮張

亞三李飛明十五人李亞六轉糾李通春何亞廣李

龍秀梁朝貴劉紹元崔亞宏梁顯士七人劉開朋糾

得黃海門陳英翰二人劉仰蒼李茂斯買備酒肉祭

物議定九月初九日在大國脚廟祀神至期先後畢

集結并聚飲因劉仰蒼起意卽以該犯爲長兄其餘
各照年歲以次序作兄弟而散旋經該縣訪聞協同
營員先後拿獲劉仰蒼到案審訊究出張亞戈于乾
隆三十三年九月初二日夜偷竊族人張卓賢衣服
三件勒贖銅錢三百文李上達于乾隆三十四年七
月十二日夜偷挖族人李得光田芋三十餘觔劉興
文于乾隆三十四年八月十五日夜偷挖族人劉英
澤田芋三十觔劉會賢于乾隆三十四年九月二十
三日夜偷竊族人劉英澤田芋二十餘觔李定邦于

乾隆三十五年八月初三日夜偷挖族人李黨太田

芋二十餘觔何亞五蕭添福于乾隆三十五年十月

十二日夥竊李允清黃牛一隻賣得番銀六員兩人

均分李亞六李亞秋李成甲黎東禮等于乾隆三十

五年十二月十八日夥竊尹賢宗銅錢一千文四人

分用侯亞位于乾隆三十六年正月十二日偷竊陳

渭濱擺賣鴨隻各事主因失物無幾俱未稟報錄供

通詳批飭催審據報李茂斯患病飭醫調治定該犯

醫治不效于五月十二日在監病故業經該縣訊明

禁卒人等並無凌虐情弊驗具圖結道報屢審據劉
仰蒼等供認前情不諱嚴結並無歃血焚表及謀爲
不法情事查例載異姓結拜弟兄聚衆至三十人以
上拜盟者爲首亦照歃血焚表例擬絞監候等語今
劉仰蒼因處人擄奪更夫糾夥結拜計圖犯持殊屬
不法除劉開朋千末到案之前在家病故李茂斯亦
于取供後在監病故不議外劉仰蒼合依異姓結拜
弟兄聚衆至三十人以上拜盟者爲首照歃血焚表
例擬絞監候秋後處決黃成招李亞六改發烏魯木

齊爲奴割會賢等擬以流徙等因具題前來在例載
異姓人歃血訂盟焚表結拜弟兄不分人數多寡照
謀叛未行律爲首者擬絞監候又結會樹黨陰作記
認魚肉鄉民凌弱暴寡者亦不論人數多寡爲首照
克惡棍徒例擬軍等語今割仰蒼因慮人畏尊更夫
起意結拜弟兄藉護把持舉至四十六人之多雖審
無歃血焚表及謀爲不法情事但粵省山海交錯民
風刁悍若照例擬軍不足以懲刁頑應將劉係蒼比
照歃血訂盟焚表結拜弟兄不論人數多寡照謀叛

未行律爲首擬絞監候秋後處決至該撫所引聚衆三十人以上拜盟爲首者擬絞監候之處例無明文未便援引該撫疏稱黃成昭李亞六始則聽糾入夥繼復轉糾夥黨情罪較重未便僅照爲從例擬流竊請改發烏魯木齊等處給與種地兵丁爲奴查明妻室照例會同劉會賢劉興文李定邦李上達張亞九何亞五蕭澤就黎東陽李亞秋李成甲侯亞位等除行竊得贓罪止杖責輕罪不議外應與黃朝貴李秀儒關朝袁茂昌李日蓮李上拔李居文李平斯張

勝觀李勝漆張成望黃松舒李作禮張亞三李飛明

李過春劉紹元何亞廣李能秀梁朝貴崔亞宏梁顯

士陳英翰均合依爲從減一等各杖一百流三千里

至配所折責四十板仍分別補刺免刺劉芝凡劉登

朝因被劉仰蒼誘脅勉強允從與情願入夥者有間

應照爲從流罪上酌減一等杖一百徒三年至配所

杖一百折責四十板滿日還籍交保約束失察之地

保劉世香劉建圖袁國功何洲豪李其昌李復初張

裕華黎民仰張上遠侯德升蕭和五均應照不應重

律杖八十各折責三十板革去地保張亞戈之父張成開劉會賢之兄劉賓賢劉興文之兄劉達文劉啓文何亞五之兄何華珍何明珍李成甲之父李宇澤兄李孔華李亞六之兄李秀豐李華豐李亞秋之兄李堯享李昌翰均合依不能禁約子弟爲竊例笞四十折責十五板杖笞各犯先行分別責革發落李亞六劉會賢劉興文何亞五李亞秋李定邦李成甲蕭添福李上達黎東體張亞戈侯亞位供止行竊一次此外並無竊劫別案及同居父兄伯叔與弟知情分

賍應舛庸議偷竊牛隻衣物錢文于各犯名下查追
給領事主張卓賢李得光劉英澤李允清尹賢宗陳
渭濱俱因失物無幾未經稟報均予免議經縣先行
省釋逸犯黃海門何振傑徐孟龍等飭緝獲日另結
李茂斯于取供後在監病故經縣訊明禁卒人等並
無凌虐情事驗具圖結送部劉邦光李平斯張亞三
梁顯士雖據各供親老丁單但糾黨結盟情罪較重
應不准其留養等語查乾隆三十六年十月二十六
日臣部議覆前任山西巡撫鄂 奏發到督省軍流

人犯各府州縣多寡不一請通融酌發一摺臣等查
發遣新疆人犯日積日多亦應一體酌量變通請嗣
後除例應發往新疆爲奴人犯應仍照舊發往外其
餘尋常軍流等犯如果情罪較重本例不足蔽辜應
行加等開擬者亦當加至黑龍江等處爲止等因奏
准通行在案此案黃成昭李亞六雖糾入夥繼復轉
糾夥黨情罪較重未便僅照爲從擬流自應改發今
既停發新疆應將黃成昭李亞六均照新疆例解部
改發黑龍江等處爲奴餘均應如該撫所題案結其

令該撫將逃犯黃海門等勒緝務獲審擬另結再董
撫疏稱所有監禁流犯一名管獄職名係番禺縣典
史張拱辰相應附參至承審病楚一名例得免議劉
開朋于未到案之先在家病故管獄職名無庸開參
本案係該縣自行訪拿失察職名應予免開等語候
命下臣部行文吏部分別查議乾隆三十六年十二月
二十日奉

旨劉仰蒼依擬應緩著監候秋後處決餘依議

佈散妖言假造偽印綾照惑衆騙錢先將首犯
正法餘犯另辦失察文武不行查察總督功過
相抵不准議敘

刑部奏據四川總督文 奏查榮縣奸民韓培元等
佈散妖言假造偽印綾照騙錢一案乾隆四十四年
二月十一日奉

上諭文綬奏查審榮縣奸民散照惑衆一案將首夥各要
犯先行分別正法一摺應交該部核議具奏據稱屢
訊首犯韓培元等曾于乾隆三十五年在榮縣地方

商同縣民龔澤等雕刻偽印鈐蓋黃綾填寫職名散
照騙錢至三十六年因衆人生疑隨經嚴照止息等
語韓培元等先在榮縣惑衆不法已越兩年以致累
疑是無人不知也該縣知縣于此等並不查拿究治
其該管之知府守備漫無督察實難辭咎且其時正
當金川滋事尤應一切留心鎮靜若云正印皆辦軍
需亦當有署理之員該督既經審出前案實情卽應
將是年該管專管之文武員弁查明一併參處何以
文綬並不辨及殊屬踈縱本應予以議處但前該督

一聞稟報立即親往董率查拿獲犯訊出造謀糾夥各實情頗爲妥速會降旨將文綬照例議敘今文綬不將前案文武官查叅殊屬非是其功過祇可相抵無庸復予議敘併著傳旨嚴行申飭其餘此案在事道府以下各員仍遵前旨議敘所有三十五六兩年分失察管轄各員並著文綬速行查明叅奏欽此欽遵抄出到部該臣等謹得四川總督文 奏稱緣韓培元原籍內江素習祝由科常于富順榮縣地方往來行醫與縣民龔海卽龔朝龍並鄉首韓吳懷應鄧

朝王羅朝臣等熟議乾隆三十四年間韓培元與已故雷應及吳懷應合夥挖煤資本蕩盡又欠吳懷應銀兩逼索無償起意誣騙以川省昔年曾經張憲宗兵燹愚民最惧刀兵瘟疫因于三十五年五月內捏稱川省將有瘟疫之難聞知雲南地方有張祖年八百餘歲得道濟人如求得符紙可以免災但無路費等語能消吳懷應鄉首槐並張應童浦沈有得雷應等被惑聽信共奏錢文給韓培元同鄉首槐赴滇取符鄉首槐憚于遠行途次先回韓培元囑令在家等

候俟其回時仍稱同往卿首槐元從離元于近處
遊蕩月餘捏造符紙詭稱向張祖求得同卿首槐散
給蘇海等並稱焚化此符一家俱免刀兵瘟疫又向
每人索得錢三百文嗣韓培元以得錢有限而眾情
易惑原圖設法詭騙邇遇素識之熊子龍誘令夥同
設騙韓培元起意以前明朱姓捏造朱天順名目經
改爲天龍稱其現在雲南年止十二歲係張祖扶助
不久有兵馬來川現有人到川散給執照如出錢領
照即可免害等語客散狂言卽令熊子龍爲証又商

同鄉首枕雕刻偽印鈐蓋黃綾填寫官職及黃布小旗担稱係由朱天龍張祖發給與有龔海吳懷應鄧朝玉張應俱被惑信從各出錢請受綾照韓培元等復主使龔海等各擇謹愼可信之人給與執照其小旗止稱驅疫可隨意散給所得銀錢均交韓培元收受龔海吳懷應鄧朝玉張應各將綾照轉給羅朝臣等吳懷應又托陳世桂轉轉散給又韓培元自給吳正榜等共散過照六十餘張每張得銀自八兩至三四兩不等錢自六千至三四千不等其小旗散給楊

榮富等每張得錢八十文因所得無幾遂不復設共計騙得銀三百餘兩均係韓培元與鄉首槐熊子龍分用至三十六年龔海等以雲南並無兵馬來川屢向韓培元查問朱天龍根底韓培元難以支吾引避不出將騙收銀錢携回內江押租佃田耕種龔海等始疑被騙而業已轉收銀錢慮衆索還亦不敢聲張張應重即將所得偽照燒燬事遂止息至四十三年十一月內羅朝臣因貧苦難度適有向與韓培元往來之王明與韓培元口角成隙將韓培元前造印照

妄言騙錢情事告知羅朝臣羅朝臣益知實係假造
卽起意自造印照詎騙銀錢遂仿照從前偽印私自
雕刻鈐寫綬照仍佈邪言復行煽惑羅朝臣自將執
照給劉洪德等收受並令麟海鄧朝玉及龔海轉托
之卑登臣幫同夥散有周昌位等復被惑出錢受照
旋被吳懷應聞知亦向羅朝臣取照散給余先琳等
各得銀錢分用惟張應並未知情入夥旋于本年正
月經該府營汛訪聞具稟經臣分派司道並嚴督各
屬文武四路查拿據榮縣知縣符兆熊首先查獲匪

登臣破案嗣卽陸續拿獲各犯究出四十三年十一月起意爲首之羅朝臣又獲羅朝臣究出三十五年造謀爲首之韓培元等臣隨率同臬司杜建昌道陳奉茲嘉定府知府朱濬榮縣知縣符兆熊等提犯嚴鞠據韓培元鄉首槐羅朝臣等各供認確鑿臣以韓培元既捐有朱天龍張祖姓名自必實有其人嚴加刑訊據該犯等堅供所稱朱天龍張祖實係編造姓名希圖聳聽並無其人可四究詰矢口不移又當堂押令鄉首槐羅朝臣試雕僞印同韓培元書寫字

跡比較均屬相符委無遁情將韓培元羅朝臣卿首
槐俱照大道律凌遲處死該海吳懷應鄧朝玉俱照
謀叛律斬決以上六犯情罪重大當即恭請

上命先行正法飭將韓培元羅朝臣卿首槐梟首傳示犯
事各地方以昭炯戒等因具奏前來查律載謀反大
逆不分首從皆凌遲處死謀叛者皆斬等語此案韓
培元羅朝臣捏造前朝姓名先後潛佈妖言並寫刻
官職偽印散給執照均屬首逆卿首僥同謀隳刻書
寫偽印實係同惡相濟韓培元羅朝臣卿首槐俱應

照謀反大逆律凌遲處死並海印龔朝龍吳懷應鄧朝玉於兩次偽造印照雖未同謀但既被惑受照又復散多人飲錢分用實與謀叛無異龔海吳懷應鄧朝玉俱應照謀叛律擬斬立決以上六犯既經該督奏請

王命先行正法應毋庸議再該督奏稱各犯應行緣坐親屬及家產查明照例分別辦理至其餘拿獲夥犯張應畢登臣及被惑受照各犯共一百一十餘名或出錢得照又復聽從勸散或止將照收存或給名填照

旋即悔悟未領或先已燒燬或聞拿首繳或僅受黃
布小旗現在質訊明確分別按擬另行具奏一面嚴
拿熊子龍並再行跟究有無隱漏夥犯一併嚴緝務
獲審辦務使根株盡絕不致漏網各犯內除韓培元
鄭首槐係造謀無照外其現獲偽照內尚有八犯已
故及先已外出未獲者容俟查對審定續行辦理等
語查現獲夥犯張應畢登臣等及被感受照各犯均
不便輕縱應令該督卽速嚴審分別定擬具奏至熊
子龍一犯當韓培元密散狂言時報代爲作証分受

誣騙錢文實屬此案要犯應令該督嚴飭勒緝務獲
跟究縣犯審訊定擬餘應如該督所奏辦理至此案
應行議敘議處之文武各員臣部移咨吏兵二部照
例辦理乾隆四十四年四月初一日奉

旨知道了欽此

造賣海票誑騙銀錢比照造妖書妖言例首斬
從流餘犯杖徒

刑部會看得匪犯李二等造賣海票誑騙銀錢一案
據浙撫雅疏稱緣李二原籍海寧在桐鄉縣鍾禹
汪家傭工乾隆十六年六月初十日李二同鍾禹汪
之姪鍾天嘉及隣人周士彥在田畝乘涼彼此言及
貧難度活李二卽起意造賣海票誑騙銀錢鍾天嘉
周士彥允從遂湊錢一百二十文交李二至杭城號
已故張文遠刻成當票失樣印板一塊上刻興隆號

三字并吳隆山木戳一個又一張銀兩字樣木戳一個并鐫吳隆山圖石一方携回鍾天嘉家內印刷二十張先填李二周士彥鍾天嘉本名三張開寫銀十六兩用紅色戳記各自收執以爲騙人憑據并捏稱係崇明望海山李老子給發陳續將票賣給董武公沈成天朱天奇沈敘文錢大錢小八鍾天成陳大有蔣三老等十二張每票賣錢三百文烹分入彙至九月間有潘德賢聞知賒票五張同潘士升交捕役沈源稟首桐鄉縣知縣李輔德拘拿審訊並不窮究詳

報止將李二周士彥鑑天嘉三犯枷責完結李二通
知伊兄李以祥于陳昌緒家屋簷下將藏板取出燒
燬迨十一月間李二帶枷患痢董武公同沈鳴臯前
往探望李二向董武公借錢疎枷董武公卽湊錢五
千文交保長劉天相報病經沈鳴臯沈五老具保釋
放在蔣鳴臯家同蔣三老董武公等酌神飲酒李二
復商謀重刻托陳富年向不知姓名刻糕印担上另
刻備隆興號票板一塊在陳昌緒家刷印四百餘張
陳昌緒陳富年分手填寫二八月銀二十四兩字樣

誑稱二八月銀兩從望海山送交用吳龍山發票彙
記及山水人家小圖書分給董武公二百張董武公
又先持去四張又給鍾天嘉周士彥蔣三老蔣鳴皋
各二十五張沈二老沈五老高三老顧偏公等共一
百張令往各鄉騙賣又填鍾大文一張抵給借錢付
鍾廷貞收執嗣周士彥蔣鳴皋共付李二銀二十兩
董武公付李二七折錢三十三千文董武公將票賣
給陳玉文張四吳三陳四昌等四張復轉給蔣三老
一百張賣與謝費林十五張姜天生八張徐子家七

張蔡鳴皋二張董李昌一張給王魁利五張爲沈王
林看見每票數錢至一兩不等餘票於乾隆十七年
正月燒燬其轉付蔣三老之票因無人承買被董武
公索銀爭競燒燬謝費林王魁利徐子嘉姜天生等
聞知亦將票焚燒並未轉售至周士彥分收之票賣
給沈九舉十張得錢四千文曹永良引賣王五老十
五張得錢三千文王五老未經轉賣爲歸紹林看見
勸令燒燬蔣三老分收之票賣給施啟祥二十張得
錢六千文餘五張燒燬施啟祥未敢轉賣亦卽焚燒

鍾天章分收之票轉付李天章得錢四千文李天章未賣亦經燒燬其餘之票李二千逃走時焚燒無存李二見二月期近恐人索銀又陳昌緒之祖陳右源聞知欲將陳昌緒處死陳昌緒遂同李二潛逃上海等處販賣線帶生理迨乾隆十七年五月初二日買票之陳世昌偷竊田豆被營縣拿獲搜出海票稟報到臣飭司提犯究訊并將從前縱匪匿報之該縣李輔德具疏題叅一面移咨江省飛拿李二等解浙查無望海山李老子吳龍山等名目隨督司道等嚴加

究鞠已據各犯供認不諱查律載凡造妖書妖言傳
用惑衆者斬監候不及處者流三千里若他人造傳
妖書隱匿不送官者杖一百徒三年等語李二兩次
商謀希圖誣騙銀錢但捏造海票名色情同妖言不
便輕縱將李二比照造妖書妖言傳用惑衆律擬斬
監候周士彥等擬流李天章等擬徒沈鳴皋等擬杖
具題應如所題李二合比照造妖書妖言傳用惑衆
者斬監候律擬斬監候秋後處決該撫既稱周士彥
鍾天嘉董武公陳昌緒陳富年蔣三老沈五老意圖

關錢扶同李二分給轉賣均已燒燬合比照不及累
律各杖一百流三千里查僉發遣買票之李天章顧
彌公施啟祥謝費林徐子嘉王耀利姜天生沈成天
陳大有朱天奇沈教文陳玉文王五老張四吳三陳
世昌錢大錢小八鍾廷良蔡鳴皋等均比照他人造
傳妖書隱藏不送官有律各杖一百徒三年到配折
責限滿詳釋沈鳴皋陳賄保李二輕罪不議外應同
知情不首李以祥鍾大文曹永良沈玉林歸紹林等
均比照知人謀害他人不首告律各杖一百折責

捏造勸世文編成邪帖比照妄稱劉勸世編惑
人民爲首絞候爲從杖流抄傳人枷責

刑部題會看得劉在舉等捏造邪帖抄傳一案據護
貴撫吳 疏稱緣劉在舉劉在爵係同胞兄弟乾隆
十八年七月內劉在舉因人有時疫起意捏造勸世
文勸人持齋行善以免災難商之劉在爵亦卽允從
劉在舉擬筆彼此信口妄言造成邪帖迨後羅廣至
館劉在舉會將抄帖給看置放桌上有王居敬見而
取去給王居忠照抄一張王居忠又轉給何洪志轉

給許連還轉與楊明仲轉給羅文又給張體仁轉給
陳思睿携往川省傳播事發由四川移查到黔經署
恩南府知府張憲督同安化縣知縣福禔逐層根究
俱各供認不諱劉在舉捏造邪帖雖無悖逆不軌誣
騙財物情事但妄言禍福傳播惑人苗疆重地其風
斷不可長將劉在舉擬絞劉在甫等擬以杖流具題
應如該護撫所題劉在舉合比照妄稱彌勒佛等會
伴修善事煽惑人民爲首律擬絞監候秋後處決該
撫既稱劉在甫扶同捏造合依爲從律減一等杖一

落地保劉天相得錢五千文合依枉法贓一兩至五兩無祿人減一等律杖七十折責二十五板仍革役時逢熱審杖罪減責發落已經首報之潘德賢沈源潘士升并年未及歲之劉福受得相容隱年逾七十之陳右源及不知情之鍾禹汪均請省釋刊刻票板之張文遠已故毋庸議各犯所得銀錢并劉天相賄錢同李二貨物錢文照追變解入官等語除應擬徒罪之顧爾公據該撫續報該犯在監病故不諱外餘均應如該撫所題完結逸犯蔣鳴臬沈二老高三老

沈九皋董季昌鍾天成等應令該撫速飭嚴辦移日
另結乾隆十八年三月十四日奉

旨李二依擬應新著監候秋後處決餘依議

寫傳諭帖比依造謾牌妖書妖言首犯斬候徒
犯照違制律杖百柳號接遞人重杖

憲督劉
貴辦方

奏爲審明傳寫謾帖之犯會擬具奏事竊

照泰革龍泉縣知縣董良相具稟湖南邵陽縣人在

龍泉縣張貼謾詞業經臣等將據稟委員分往督拿

并須會審情由繕摺彙奏在案旋據署龍泉縣知縣

王用鈔具稟改裝前往密訪拿獲鄒貴等犯署開州

知州張 等拿獲饒之孟等各犯逐名根究得自涪

潭施秉黃平石阡平越等府州縣之人輾轉傳抄臣

等節次批飭司道暨各委員督同該地方文武各官
陸續拿獲確審究出寔安縣居住算命之文韜經平
越府知府廣育率同寔安縣知縣李必炫拿獲文韜
審訊不能指出傳授之人隨經糧驛道丞 帶同普
安州知州陳昶將二十名應訊人等派員押解省城
委貴陽府知府韓極等悉心研訊由按察使陳 會
同布政使恒 耀驛道丞 貴東道馬 審擬招解
前來臣劉 臣方會同提臣黃 率同該司道覆加
研審實係文韜首先改寫抄傳令其背誦默寫與各

犯抄寫詞句相符該臣等會核此案緣文翰籍隸江
西久居襄安縣地方娶妻胡氏生有子女素習算命
謀生其師歐孔祥物故所遺殘書卽爲文翰收存乾
隆二十九年十二月內文翰將書翻閱見雪心賦內
夾有抄存諛帖一紙內妄言災難並有十愁詞句文
翰因隣近地方人多患病遂起意抄寫騙錢恐人不
信將十愁內翻過亂充年改爲難過雖猴年災國患
病之家求其禱祿可以獲利因其所居之地與平越
石阡黃平開州施秉龍泉湖潭各府州縣地方犬牙

交錯正月內有黃平州民楊佐才避至家中算命該
犯卽將所抄謠帖送給令其抄貼詭稱可免災難楊
佐才不知有干禁例亦卽照抄貼壁隨將文翰所抄
之帖傳給伊兄楊佐臣轉給襄安縣屬之羅上達縣
轉傳至平越府屬之蔡應章張老大楊正與楊正朝
復轉傳黃平州之張應晉彭會白光第金清壁石增
劉正榮毛萃等毛萃又抄給開州之黃國明轉傳李
起萬饒之孟二人時又有施秉縣屬開飯店之黃平
州民人陳學敏于毛萃店內看見亦抄寫一紙轉給

雷高雷遠雷廣兄弟傳至石阡府屬之李正坤李烈
暨僧人銀光又傳抄施秉縣之蒲正榜傳良相慈有
仁至湄潭縣屬之陸敏傳得龍泉縣屬之金正貴抄
給湄潭縣之陳希祿鄒貴及湖南民人侯彩元等三
十餘人經各委員協同地方官先後拿獲稟報押解
至省由府司審明招解臣等親提會勘各供前情不
諱再四嚴詰矢口如一似無遁情查該犯文翰抄寫
舊有詔帖堅供並非自造得自伊師歐孔祥書本內
雖無悖逆不軌情事但其改寫緊要字希圖騙財

邊地苗疆相傳惑衆至三十餘人之多實與首造無異文館合比依造謠肆妖書妖言傳用惑衆律擬斬監候秋後處決照創刺字侯彩元鄒貴毛萃李起萬陸敏慈有仁鍾光李正坤雷高雷遠陳學敏黃國明石增金清聲彭會揚正與蔡應章楊佐才等爲其所惑亦續抄寫俱屬不合均照違

制律各杖一百枷號兩個月滿日斬責四十板金正貴陳希祿蒲正榜李周雷廣饒之孟劉正榮白光第張應普楊正朝張老大羅上達楊佐臣雖未抄傳不合

援進各應照不應重律杖八十折責三十板陳希祿
慧有仁白光第俱年未及歲應照律收贖以上枷責
各犯時逢熱審減等發落傳連相卽傳良相已經外
出獲日照擬枷責另結遺存誦帖之歐孔祥業已病
故應毋庸議文韜出外算命共抄結楊佐才誦帖之
甲鄰人等無從查察應請免議併免提訊各地方文
武官均于發覺之日俱能實力查拿獲犯所有失察
職名應請免其問茲現將龍泉縣事試用通判王鼎
錕獲犯訊供稟報查係知會氣防犯總制士龍興

辦理而恭令憲民相關信先赴省城稟司是以較早
王用錫稟報稍遲尙屬有因應請免議除另繕口供
清摺併將龍泉縣先獲鄭貴所抄誦帖恭呈

御覽其起獲各犯抄傳及緊寫各紙候部覆至日銷燬外
臣等謹會同提臣黃 繕摺具奏伏祈

皇上睿鑒敕下法司核擬施行謹奏乾隆三十年八月十
五日奉

硃批三法司核擬具奏欽此

編造年號妄稱

大清天定運數照大逆辦理

大學士于 等謹奏查律載大逆者凌遲處死又知情隱藏者斬各等語今智天豹因賣藥行醫不能糊口輒起意獻書胆敢編造年號妄稱

大清天定運數並敢謊言遇見

老主顯聖傳授希圖惑眾已屬罪不容誅至其書內有乾隆年數一條竟敢肆行咒咀並於捏編年號內直書

廟諱

御諱尤爲罪大惡極人人髮指非碎磔不足以蔽辜智
天豹應照律凌遲處死以伸

國法而快人心張九書雖訊無幫同編造情事但據智

天豹告稱書內所爲事關年號該犯卽屬知情輒敢

貪圖富貴代爲呈獻復于初供時扶同捏飾于法實

難寬貸張九書應照知情隱藏大逆者斬律擬斬立

決至逆犯智天豹親屬律應大坐現據布政使單

查明該犯祖父母父母及親兄智天浩久已病故該

犯止有妻李氏並無兒子所生一女早已嫁出等情

應州解到智天豹之妻李氏照例賞給功臣之家爲
奴其張九香之母妻律不緣坐應予釋放趙五雖不
知智天豹編造逆書但以素不認識之人冒昧賁給
房屋殊屬不合應照不應重律杖八十折責三十板
發落該犯等家內查出醫方書本等項應行銷燬智
天豹家產行文直督查明入官智天豹之徒靠山般
成應令嚴緝務獲審明辦理乾隆十四年五月

奉

旨智天豹以鄉曲小民竟敢編造年號妄稱大清天定運

數指使張九霄于御道旁跪獻狂誕悖逆情罪實爲
可惡經軍機大臣會同刑部審訊照大逆律定以凌
遲亦屬罪所應得但據奏稱該犯書內有乾隆五十
七年一條故于咒咀尤堪髮指等語此在臣子之心
則然朕並不以憎愷乙卯九月朕踐祚之初卽焚香
告

天默禱云昔

皇祖御極六十一年予紹膺寶位不敢仰希

皇祖若邀

吳君眷祐至乾隆六十年卽當傳位皇子歸政退閒彼時
朕春秋方二十五歲初未計及在位六十年壽當幾
何亦復不以爲意迨過五十歲乃自計六十年則爲
八十五壽矣始以此志奏聞

聖母蒙

懿旨云皇帝受

祖宗托付之重代

上天愛養億兆董治百官六十年後豈宜遽釋仔肩卽
天下臣民亦斷不肯聽皇帝歸政

慈諭諄切因更計之若果至八十五歲蒙

天恩朕尙能特奉

慈顏則禮所謂恒言不老何敢遽云倦勤彼時亦卽卽
天致禱今旣不能申朕愛日之誠則引年之初願亦豈
能期其必遂况今距乾隆乙卯尙十六年爲日正長
若朕精力始終不懈自當日慎一日兢兢業業綜理
萬幾克全朕之初志設或七旬八旬以後神志稍衰
不能似今之精勤求治亦不肯貪天位以曠天工朕
非不知足者又何必定以六十年爲期致肅從前人

主貪戀大寶之議乎若朕必以六十年還京

上帝不殲如張廷玉之以配享

太廟向朕邀求乎朕旣以張廷玉之非禮又安肯效法其
爲乎且設果如違犯智天豹所云乾隆五十七年之
言朕其時壽躋八十有三卽歸政亦不爲早況歷代
帝王在位五十餘年而歸政者實所罕覩朕尙有何
不足乎是該犯此條不得謂之兇咀不必執此以定
罪也惟該犯以于妄編年號三十餘條且于

祖廟誣直書不避諱稱

世祖章皇帝顯聖於波希與慈衆動聽此則喪心病狂身
蹈大逆不可不按律懲治然究與誹謗毀斥者稍屬
有間智天豹著符寬改爲斬決至張九霄拜逆犯爲
師代其呈獻逆書亦應按律應斬姑念其入本屬鄉
愚無知且不識字情尙可憫張九霄著從寬改爲應
斬監候秋後處決餘依議並將此通諭中外知之欽
此

事主驚跌下海身死盜首自首照威逼致死斬
候傷人夥盜斬次免梟

刑部會議覆盜犯陳尙義在新安縣屬黑石角海面
行劫東莞縣民陳益昌船打傷陳益昌并致伊弟陳
汝昌驚跌落水淹死一案先據該廣東巡撫王 疏
稱緣陳尙義販魚折本起意爲盜于乾隆四年四月
十八日先約陳漢士出海行劫陳漢士不訖至二十
一日陳尙義復與陳士斐陳太會陳見明陳亞章陳
經尙同坐村外石塢上商謀偕名出海買魚行劫今

陳士斐陳亞章各出艇一隻預備米飯約于二十三

日在石子頭村外埠頭開行各書允從二十二日適

陳而林陳見玉欲出海買魚撞遇陳尙義詢及出海

之期陳尙義說稱明日出海誘令同行二十三日陳

士斐等先駕艇至埠頭等候陳尙義陳太會貽藏鉄

尺與陳見明等名執鑿筐陳而林陳見玉亦各備本

携雜井食米先後到齊分坐兩艇一齊開行由石子

頭汎出海二十五日行至鷺鷥灣將近黑石角海面

陳尙義望見事主陳六昌船駛來聲言行劫陳而林

陳見玉麟聞畏懼不從即同馮陳士使之艇先回陳士斐等俱過陳亞章艇內同黨六人陳益昌船至各盜將艇攏近陳見明叔住事主之船旁陳亞章在艇把櫓陳尙義等各持鐵尺刀棍齊擁過船事主之弟陳汝昌與夥伴梁亞六見賊衆多驚慌走避失跌下海梁亞六透出水面陳士斐拉救上船陳汝昌被水冲開淹斃無踪陳太會陳經尙欲進船搜劫陳益昌攔住艙口陳太會即將鈔尺擊傷陳益昌額角陳益昌走避陳太會陳經尙進船搜取銀錢衣物交陳尙

議陳士斐核通通艇各處便回原艇行至江陽沙洲口追及陳而林陳見王之艇兩艇會合將賊配搭按股俵分嚇令陳而林陳見玉收受仍用石子頭散踪事主報縣緝賊隨獲盜首陳尙義夥盜陳經尙陳亞章投首供開縣憲拘獲陳士斐等研審各犯供認不諱賊經主認正盜無疑查事主之弟陳汝昌原因驚避失足淹斃並非各盜下手殺死事主陳益昌傷輕平復應免梟示陳太會陳士斐陳見明均合依強盜已行得財者不分首從律擬斬立決照例先行刺字

并聲明陳太會用鉄尺打傷事主額角法所難宥陳
士斐見事主夥伴失足下海卽行拉救上船與陳見
明皆擒獲人夥並未傷人亦無行劫別案均屬情有
可原盜首陳尙義並未傷人聞拿投首照例擬遣戍
盜陳經尙陳亞章均係擒獲人夥並未傷人聞拿投
首依律擬徒陳而林等擬杖至擬遣盜首陳尙義夥
盜陳見明並無妻室陳士斐有妻劉氏具題經臣等
查例內未傷人之盜首聞拿投首者發遣又例內強
盜殺死人命不准自首各等語今陳尙義起意行劫

糾約陳太會等各持鐵尺刀棍齊至陳益昌船內肆
行劫掠以致事主之弟陳汝昌落海身死屍首漂溺
無存陳汝昌之死雖非陳尙義趕殺而驚避落水實
由陳尙義等蜂擁上船畏吏情迫所致况夥盜陳太
會擊傷事主陳益昌額角已照例擬以注無可貸而
糾衆行劫致死事主之盜首轉得以聞拿投首與未
傷人之盜首一例擬遣殊屬未協應令該撫再行妥
擬具題到日再議題取去後今據該撫王 疏稱陳
尙義雖未下手傷人而陳汝昌失跌下水身死實由

陳尙義等蜂擁上船驚慌所致陳尙義起意糾夥行劫實爲致死事主罪魁不便准其自首應將陳尙義改依強盜已行得財者不分首從律擬斬立決先行刺字係致死人命盜首法所難宥查強盜殺人及江洋大盜均應擬斬梟示今各盜在黑石角海面行劫尙係內港並非外洋且陳汝昌因驚避失足淹死尙非下手殺傷應免梟示陳太會陳士斐陳見明均應仍照原擬依強盜已行得財不分首從律擬斬立決刺字陳太會用鉄尺打傷事主額角法所難寬陳士

妻兒事主夥伴失足下海卽行拉救上船與陳見明
皆係聽找入夥並未傷人亦無行劫別案均屬情有
可原夥盜陳經尙陳亞章均係聽從入夥並未傷人
聞拿自首均依律擬徒陳而林陳見玉擬杖具題應
如該撫所題陳太會合依強盜已行得財律擬斬立
決免其梟示至盜首陳尙義前擬以事主陳益昌之
弟汝昌驚避失足淹斃陳尙義並未傷人照盜首因
拿救首例擬遣臣等以陳汝昌雖非陳尙義趕殺實
由畏兇逼迫所致與未傷人盜首一例擬遣殊未允

協題駁去後今該撫將陳尙義改依斬決聲明法所
難宥但查陳汝昌之死既非陳尙義趕殺似不便竟
照殺人律擬斬立決况開拿投首猶有悔懼之心與
陳太會聲傷事主陳益昌搜掠銀物未經投首者稍
有差別查律載因爲盜而威逼人致死者斬監候等
語陳汝昌下水淹斃既係畏死情迫所致與因盜威
逼人致死之律相符應將陳尙義改依因盜威逼人
致死律擬斬監候秋後處決其擬以情有可原之陳
士斐陳見明均應照例免死減等陳士斐有妻周氏

陳見明並無妻室應令該撫遵照乾隆二年定例對
字分別發遣至竊從入夥並未傷人聞拿自首之陳
經衛陳亞軍均合依知人欲告而自首減二等律杖
一百徒三年至配所各責四十板俟徒限滿日遞回
原籍交地方官嚴加管束該撫既稱陳而林陳見玉
係陳尙義誘去販魚臨時畏罪先回被嚇收贖並未
同謀上盜均依知強竊盜後分贓准竊盜爲從論一
兩以上杖七十爲從減一等律杖六十免刺先行折
責發落等語應如所議完結又前撫原疏稱陳漢士

同線人陳仲光赴營投首照例給賞摘釋首繼之賊
給主未起之贓應於各盜名下房屋變賠所獲盜解
變價入官各盜詢無同居親屬知情分贓毋庸議地
保牌甲已據各盜供明並無知情賄縱情事但失察
爲盜例應擬笞時遇熱審豁免應免提訊以省拖累
等語均應如所議完結再前撫原疏稱本案盜黨六
人盜後分贓二人已經全獲並無窩主線人原奏疎
防武職已准兵部免議疎防文職各官亦請免議等
語查此案先據該督疏稱同黨八人俱已全獲更部

將練防文職各官均照例免議在案原毋庸議再前撫原疏稱各盜係田石子頭汛出入所有失察海口職名係虎門協右營千總程岐英相應開報聽候部議等語查定例奸船出入海口失察出口官降一級留任限一年緝拿全獲開復如本案已無逸盜定以三年有能拿獲別汛奸船以及本汛並無失事准其開復失察入口官罰俸一年等語應將失察各盜出口之千總程岐英照例降一級留任逸盜限一年緝拿但此案盜犯已經全獲是本案已無逸盜應照例

降一級留任如三年以內有能拿獲別汛奸船以及
本汛並無失事咨請開復至失察各盜入口亦係于
總程或英應照例罰俸一年再該撫疏稱本案從前
承審錯擢職名係新安縣知縣何夢篆廣州府知府
汪會正按察使潘 前署撫王 但查定例具題事
件部駁改正將從前承審舛錯之處免其查議今本
案係新安縣知縣何 廣州府知府汪 按察使潘
自行改正前署撫王 奉

旨進京已經離任無從改正應照例一併邀免統部議

等語應將遵嚴改正之知縣何 知府汪 按察使

潘 無從改正之前撫臣王 均照例免其查議乾

隆六年九月 日奉

旨陳太會著卽處斬陳何義依擬應斬著監候秋後處決

餘依議

誣竊爲盜搖練擬軍承問官照失入處分并一事有兩罪者從重議處

刑部會同吏部議題廣撫王題曲江縣搖練鄧梓材與噶趙教化教供認刻何桂馥等香寮一案先據署廣撫王疏稱緣盜首趙安周採知何桂馥等在於曲江縣屬羅坑山搭蓋茅寮春造香粉積有銀錢衣物起意行劫于雍正十三年十二月二十日糾合趙安線趙雲偉趙端滿而趙安線轉逼繼子趙教化入夥約定是夜在大流坑田洞聚會至期齊集

同黨五人三更時分各執竹槍木棍齊至事主寮房

趙端滿以棍頭撬開寮門事主何桂馥溫宏喬驚覺

出敵趙安周先用竹槍戳傷溫宏喬額門右乳上又

槍傷何桂馥左手腕趙端滿亦以棍打傷何桂馥額

頂事主負痛奔避趙端滿在外把風餘盜擁入寮內

趙安周拾草點火照亮趙合山等搜劫銀錢衣被分

奔先行趙安周在後放火燒燬上座寮房趕上各盜

奔至頭渡水地方俵分散踪事主溫宏喬傷重越日

殞命何桂馥報縣嗣于乾隆四年五月內緝獲夥盜

趙教化到案屢審不諱除盜首趙安周夥盜趙安線
在家病故不讎外將趙教化照依強盜殺人放火律
擬斬立決梟示刺字但該犯上盜時年甫十七被繼
父趙安線誘逼入夥止係行劫一次又未下手傷人
情有可原再本案同夥五人止獲趙教化一犯其爲
首趙安周夥盜趙安線皆係未獲到案在家病故餘
犯在逃實証無人原贐又已花銷可否將該犯監候
俟勒緝趙雲偉趙端嵩到日實証明確并擬具題請
候部議等因具題經臣部等衙門查定例續獲強盜

無自認口供贓跡未明涉于疑似夥盜已決無証者俱引監候等語緣續獲盜犯已無可質之人不卽加以斬決故引監候此案何桂被家于雍正十三年十二月內被劫于乾隆四年五月內拿獲趙教化雖據該據疏稱該犯供出盜首賤黨姓名及傷事主燒燬寮房分贓各實情不諱等語但止獲一人並無質証又非事主認識明又花銷何憑指爲此案正盜遽將趙教化以未傷人夥盜定擬若以趙教化供認上盜情形并所開各盜姓名實係確鑿無疑又不應將趙

教化擬請監候待質至定例殺人放火盜首均應斬
梟今止獲趙教化一人則其曾否動手自無確供何
憑定其未曾殺人放火盜犯據擬情有可原且情有
可原卽應發遣若須待質又應監候今該撫兩請具
題趙教化究竟應監應遣殊難辨理強盜重案豈容
如此含混草率應令該署撫再行詳訊并連緝逸盜
到案嚴審妥擬具題到日再議等因題駁去後今據
廣撫王 疏稱復加研訊趙教化頓改前供堅稱並
非本案正盜止係行竊乳源縣寡婦劉氏家一次請

其認劫何桂馥之由蓋因竊線鄧梓材令鄒日養誘令下山於乾隆四年五月二十八日到鄒日養家買穀時已將暮鄒日養留其吃飯鄧梓材帶同緝丁黃細賤擊獲回家二十九日將伊帶入內室鄧梓材見其行竊劉氏已實圖免比緝遂教供認劫香粉寮案盜犯趙教化不允鄧梓材先以甜言哄誘繼以危詞哄嚇趙教化懼畏允從鄧梓材將同夥趙安周等姓名并糾黨聚會上盜傷人放火分贓情由教令照供允圖借盜銷案隨于三十日將趙教化解縣路經雲

門汛趙同汛兵鍾奇貴協解到案前縣許鍾霖等訊
供教化畏刑誣服茲喚到原同獲盜汛兵鍾奇貴及
猶丁黃細賤并鄧日養暨鄧梓材之子鄧連馨等到
案訊據黃細賤供稱當日隨同鄧梓材到石上村鄧
日養家將趙教化挈回鄧梓材之家次早帶入內室
不知如何教令認盜詰訊鄧連馨亦供伊父將教化
教供認盜不諱質之兵丁鍾奇貴供稱係五月三十
日鄧梓材將趙教化解到汛前喚同協解到縣並非
在石下山場追擒前審係屬扶同供報訊諸鄧日養

亦認與趙教化到家拏獲則趙教化實非本案正盜
係猶練鄧梓材欲免比緝恐嚇教供借盜銷案毫無
疑義鄧梓材除借盜銷案輕罪不議外合依捕役將
犯竊之輕罪逼認爲強盜創照例擬軍但該犯已在
家病故毋庸議趙教化應于行竊寡婦劉氏家案內
從重歸結汎兵鍾奇貴擬杖等因具題除將竊犯逼
認爲盜應擬軍罪之鄧梓材已經病故毋庸議外該
撫既稱趙教化自誣誣人實由鄧梓材恐嚇教供所
致但供開趙安線趙安周已先在家病故現存之趙

端滿趙雲偉未經到案尙無拖累應請免議等語應
毋庸議但趙教化尙有行竊寡婦劉氏家打傷事主
親屬胡永成一案應於彼案歸結所得米飯錢五百
文照追入官再該撫疏稱汛兵鍾奇貴雖無誣拿教
供情事但將獲盜根由扶同供報應照不應重律杖
八十折責三十板革去名糧先行發落猶丁黃細賤
同往擊獲趙教化原係聽從鄧梓材喚令同行訊無
通同情弊亦不知趙教化是否本案正盜應請免議
鄧連馨雖知伊父鄧梓材教供認盜不行首報但律

得容隨與審無知情之節日養先行釋率未獲之趙

端滿趙雲偉亦係被誣應行免拘等語應如該撫所

議完結行刴本案正盜應令勒限嚴緝務獲審擬具

題再該撫疏稱失察誣良爲盜借盜銷案不能審出

寔情職名係前任曲江縣降調知縣許鍾霖接署縣

事丁憂別案叅革試用縣許養年盜招內遺漏竊案

亦係叅革知縣許養年不行查出確審遽轉職名則

係前任韶州府別案叅革知府高綱現任廣東按察

使潘 前署撫王 但潘 自行審出改正許鍾霖

未經審擬成招旋因計叅離任許養年高綱俱經別
案叅革離任王 已經回京無從改正合并聲明統
歸部議等語查定例誣竊爲盜應照捕役誣良爲盜
酌量減等議處如未經致死者減爲降一級調用又
定例官員承審將軍流等罪擬斬絞者府州縣降三
級調用司道降二級調用督撫降一級留任又定例
官員議處案件實係一事而其中有兩罪名相因而
致者自應從重議處又定例已經革職官員如有前
任事故到部議處題明註冊倘事後辦復還職如有

應降之級仍于補官日降級又定例丁憂等官于補官日罰俸等語查竊犯越赦化罪止擬杖許養年誣爲行劫盜犯擬斬具題部駁始行審出與承審擬罪錯悞遵駁改正之例不符今失察補役誣竊爲盜並承審失入二罪係相因而致自應從重議處應將承問失入之許養年高綱各降三級調用註冊潘 降二級調用巡撫奉

旨來京又經革職王 降一級留任註冊至許養年又于盜招內將竊案遺漏並未敘入亦屬不合應將許養

年比照官員造報文冊遺漏罰條例例俸三個月註冊再查知縣許鍾霖旣未成招應毋庸議乾隆七年三月奉

旨依議潘思渠著照部議所降之級從寬留任

1

其謀不行分贓之夥蓋比照知情分贓之父兄

例杖徒

刑部議覆河撫雅題盜犯馮進寶等行劫商邱縣李大武家一案應如該撫所題馮進寶合依強盜已行而但得財者不分首從皆斬律應擬斬立決再該撫疏稱余海雖會共謀又復分贓並未隨同上盜查律內強盜已行而但得財者皆斬係專指同行上盜者而言惟盜賊窩主則有分贓而不行皆斬之律並無夥盜共謀分贓不行作何議罪之條今余海一犯

原係馮進寶糾約人夥之犯並非窩家因未便照依盜賊窩主之條擬斬而該犯既未隨同上盜又與強盜已行得財者皆斬之律不符余海應比照強盜間擬發遣知情分贓之父兄減一等例杖一百徒三年仍照例奏請

定奪等語亦應如所題余海應比照強盜間擬發遣知情分贓之父兄減一等杖一百徒三年至配所折責四十板俟徒限滿日交與該地方官嚴行管束仍遵照大學士張 條奏比照引律者奏請

定奪例奏誌

定奪請著爲定例之處毋庸議但恐各省辦理未能盡
一通行一體遵照可也乾隆七年六月初七日奉
旨馮進寶著卽處斬餘依議

[illegible]

更夫將繩拴弔平人而死駁照番役妄刑等案人命以故殺論斬候

刑部題據廣垣審題余廷客一網縛致死張元正擅殺服毒一案將余廷客照已就拘執而擅殺律擬絞監候具題經臣部查定例罪犯業經拿獲捕役設法制縛誤傷其命者仍照已就拘執而擅殺律以聞殺論等語必被獲之犯兇悍異常一時設法制縛原無必殺之心而偶致於死故援照已就拘執而擅殺律擬絞方與律意脗合此案余廷客等疑張元正爲盜牛

賊帶往更寮維時張元正並無克擇情形何用設
法制縛如慮張元正咬繩脫逃卽將繩縛其手足與
趙連科陳茂生一同看守何至疎虞乃竟取長五尺
之竹筒揀去竹節用繩穿過竹孔勾繩套其頸項繫
於橫枋復用短繩分縛兩手於竹筒使不得坐臥展
動焉有如此繫勒懸立一夜不致氣絕立斃之理其
法較之非刑拷打致死者情更慘毒且據陳茂生等
供半夜還聽見張元正聲息等語則此時奄奄一息
其哀苦垂斃之狀尤堪動心若非立意凌虐致死自

當速爲解救何以置若罔聞況張元正如果知陳隆盜牛爲之代賣豈有不想羣朝清出首肯將實情告知如曾經告知則羣朝清於余廷客往問之際何以並不說明直至張元正死後到官始行供出夫安知致死另有別情迫致死之後串同扶供張元正爲知情代賣得輕其有心致死之罪乎且若非有心致死何以余廷客等諱避用繩空竹繫頸慘勒致斃真情而捏報爲服毒身死其中疑竇種種承審各官並不悉心研究乃將余廷客牽引設法制縛之例定擬案

情律例均未允協事關慘殺未便率結應令該撫再行詳鞠按律妥擬到日再議題駁去後續據該撫將余廷客改依番殺妄刑致斃人命者以故殺論例擬斬監候具題臣部照擬議乾隆八年閏四月
日奉

旨余廷客依擬應斬著監候秋終處決餘依議

家僕引盜強劫主財駁改斬決

刑部題盜犯謝老等行劫繁昌生員王鳳庭家一案
據安徽審理將謝老汪勸依強盜已行得財律擬斬
立決并聲明謝老情有可原汪勸係事主僕人敢爲
內應法所難宥但係聽從盜首黃朝玉勾引指使實
與積慣通緝引賊謀劫分贓者有間相應聲明聽候
部議具題臣部以強盜法所難宥者卽行正法情有
可原者免死發遣此定例也但盜案各犯有現獲與
未獲之分苟承審各官不爲嚴鞠實情則現獲各犯

特有夥盜未獲無憑質對必將一切法所難宥者混
行推卸避重就輕其中出入生死所關非細此案盜
犯五人現獲已經過半其起意之盜首及捆縛架送
事主群盜俱應問擬法所難宥乃因此內有逸盜黃
彩泰萬有二人未獲而現獲各盜遂將起意捆縛架
送等事俱卸稱逸盜二人所爲豈當日事主上下三
人俱被捆縛果皆經黃彩泰萬有之手而現獲謝老
等竟束手旁觀尤可異者汪勣係事主之僕名分攸
關乃敢與外人通同行劫此必該犯先有勾引之心

而後外人敢於附和今查其上盜情由始則因該犯
得爲內應不問大門至群盜入室之時該犯又先下
樓接應屬令群盜將伊捆縛使主不疑其同在局中
且聽群盜將伊主等悉行捆縛不爲一言阻止是汪
勤情節險惡實爲此案罪魁今該撫並不逐細審出
遽將汪勤法所難宥又曲爲辨說酌量更未允協事
關首盜未明供招未確得難率結應令該撫再行嚴
審妥擬到日再議題駁去後今據該撫覆稱汪勤實
係起意行劫並非聽從勾引將汪勤依律擬斬立決

謝老仍照原擬具題臣部照擬議覆乾隆八年五月
二十一日奉

旨汪勣著卽處斬餘依議

賊跟捕役詐人拔刀扎死無辜比劍殺斬

刑部會看得曲周縣民商銀璽扎死任法賢一案據
直督高 疏稱商銀璽縣同姜三王二偷竊曲周縣
監生張飛龍家驢頭因姜三等不分給贓銀赴縣投
首該縣差役黃明友押帶候審黃明友輒夾商銀璽
弁作幫差商同案錢分用商銀璽允從至糾村喚賊
犯董小眼親屬因無差錢相送將董元善同隣佑結
連一處押帶上賊任新且之姪任法賢聞伊叔被帶
上賊賞錢追給以作盤費并見商銀璽繩拴伊叔隨

屬任新旺帶繩見官勿給差役錢文商銀璽聽聞出
言罵罵任法賢用罵商銀璽用拳向毆任法賢閃避
還毆商銀璽遂拔身佩小刀向扎因任法賢扑打罵
罵遂連扎任法賢三刀殞命屬審不諱查商銀璽係
自首賊犯輒敢跟隨捕役黃明友幫差訛詐拴吊無
辜繼因任法賢罵令伊叔不給差錢復反拔刀連扎
任法賢致命胸膛心坎臍肚立時斃命殊屬兇暴雖
據該犯堅稱時值昏暮醉後亂打情似罔毆若照平
人擬絞實屬情浮于法而例內又無賊犯跟隨捕役

說詐因而致斃平人作何治罪正條商銀鹽應比照
番役誣陷致斃人命者以故殺論斬監候例應擬斬
監候等因前來應如所題商銀鹽應比照番役誣陷
無辜致斃人命者以故殺論擬斬監候不准援

赦照例刺字該督既稱黃明友身充捕役胆敢帶領賊
犯訛詐差錢不遂又囑商銀鹽領帛平人雖未幫同
拷打業已釀成人命情無可原應照爲從毋庸末減
等因乾隆八年十二月初六日奉

旨商銀鹽依擬應斬著監候秋後處決餘依議欽此

[illegible]

盜案懸跡不明供招互異駁案

刑部會議得凌禿子等行劫商七家一案據

盛京刑部侍郎介疏稱緣凌禿子知商七家道殷實
十一年正月二十八日起意行劫謀諸魏傻子令其
誣路凌禿子于二月初二日往郎家屯地方探知商
七父子是日俱因事他出往告魏傻子劉玉昌三復
糾會劉有德常四胡四胡祥崔二鬍子共九人當夜
齊至商七門首常四魏傻子越牆進院開門凌禿子
把門劉玉昌二鬍子在院迎賊魏傻子劉有德胡四

呂三胡祥等五人推落門門入室點燈胡祥擰櫃魏
傻子登棚適商七兒媳胡氏雖已驚覺而畏懼假睡
各盜搜得銀錢衣物而出胡氏甫敢聲張伊家雇工
蘇大新睡始覺鄰佑商進相等聞聲往救而各盜俱
已遁去止覓得錢文一瓢而歸各盜扛抬贓物齊至
凌禿子窩舖內俵分而散當經屯領催商進祿覓見
事主商七同報該地方官陸續緝獲首盜凌禿子夥
盜常四劉有德胡國崔二鬍子魏傻子夥盜劉玉呂
三胡祥業已遠颺無踪現獲各盜供認不諱將凌禿

予等照例擬以斬決刑字具題查該犯等供詞
証明確其辨明強竊又必以驗勘爲憑若有假借情
戶明穴坑桃情形方可以強盜定擬此案據該地方
官曉看事主家被盜情形僅房門上有鉄釘扎櫃痕
跡及房東間內櫃鎖擗斷餘外並無形跡并訊明是
夜並無盜遺火煤等物核之魏傻子等所供跳牆進
院撬門入室及事主所報撬門入戶之處俱屬相符
如凌秃子魏傻子等二犯續供推落門扇入室之語
果係真情則胡四等何以始終未經供認其驗報時

又何以並無毀損門戶情形且推落門扇群盜闖進
勢非寂然豈有獨驚醒房東間之胡氏而房西間之
僱工蘇大等毫無一人知覺之理凌彥清等顯有畏
刑混供情事至事主初報拿火梅鎮胡氏聞响驚覺
畏盜粧睡之處查商七供稱小的曾以因何不行喊
叫盤問兒媳據稱他們原都睡着的門响一聲纔驚
醒的那賊已經走了所以小的不敢認是強盜卽胡
氏到案亦供明賊進偷竊當時並不知道等語與胡
四所稱拿完東西出來把門擠掉一扇之供暗相符

合是其初報未實之處已據事主供明在案該侍郎
等何以置之不問而石內仍以未實之報詞爲據供
看亦屬不符再此案可認衣布等物非稱燒燬無存
卽稱遺落在路起有銀錢等物俱係無可認識之贓
卽破棉被一床其被一面已經揭去事主憑何認識
及事主補報失單例應在五日之前今于數月後在
案犯名下起出錫簪一對之時事主始行違例補有
錫簪等物殊難憑信此案不獨贓跡不明卽細核驗
報情形與前後供招均屬互異疑實種種未便遽定

行強擬以駢首應令該侍郎等查照指駁情節逐一
查明研訊確供按律安擬具題到日再議可也乾隆

十二年五月

日奉

旨部駁甚是依議

在洋行劫首犯未獲從犯俱係一時被誘出口
部駁仍照原題聲明情有可原

刑部會議得陳月等在洋行劫尚可進場安道貨船
一案先據蘇撫安 疏稱緣盜首瞿增五因貧無度
起意出洋爲盜探知施德維海船停泊大港植載于
乾隆八年十月內與陳月商謀誑誘陳月因與施德
維船上舵工顧勝熟識同瞿增五前向顧勝說云瞿
增五攬有海董魚包欲雇船前往裝載顧勝遂邀同
施德維與瞿增五等議定水脚銀兩寫立定票陳月

私將欲出洋行劫情由告知顧勝頓勝允從瞿增五
託言船缺水手雇瞿灣絲瓜朱三殷二僇子各許工
銀未付又約宋蘇李七張生張在天李七又轉糾單
裕三共賤十一人十一月初二日雇增五令殷二僇
子挑取行李上船餘約花園港登舟施德維令子施
三帶照隨船收取水腳初二日開船初八日行抵花
園港瞿增五捏稱買米住船張生將烏鎗等械分裝
竹筒被囊同李七張在天宋蘇單裕三瞿灣絲瓜朱
三等上船施三查問瞿增五答以搭載小販當卽開

船出洋施三不允欲收船回家瞿增五卽將施三關入艙內不敢拒阻任其關放出洋十六日瞿增五等行劫卜文亮貨船之後十七日又行至黃河南岸邊遇事主高可進楊宏道貨船二隻以繩牽縛同行瞿增五令張在天放鎗陳月拿舵趕上帶住瞿增五執持刀斧逼船將事主人等趕入艙內李七張三張在天各逼船搬取貨物宋蘇單裕三朱三殷二倚子在本船接應各犯搬完貨物將船放行陳月瞿增五等各取得號衣銀錢等物并將食物在船煮吃貨物存

置船內其餘未起之賊拋棄海洋旋因被風將事主
兩船并將另案事主卜文亮船隻打入黃河北港落
淺阻凍各盜不容施三上岸二十四日卜文亮途遇
巡湖營弁告知被劫情由該弁率兵往拿各盜棄賊
奔逸當獲顧勝等四名解縣隨據事主赴縣具報勘
訊起賊顧經緝獲陳月等箇審贓供並確將陳月顧
勝宋蘇單裕三羅灣絲瓜朱三殷二倚子擬斬立決
梟示俱刺字併聲明該犯等俱係聽從棍徒增五等誘
約行劫止有二案並未擄毆傷人均屬情有可原且

題查律載响馬強盜執弓矢軍器白日邀劫道旁者不分人數多寡會石傷人斬決梟示其江洋大盜俱照此例等語此案盟增五等于糾約夥衆時起意卽係出洋行劫其臨行時又復攜帶烏鎗火藥鐵斧等項器械同夥衆一十餘人于青天白日駕船洋面一遇客船卽迎面放鎗連劫高可進等三船除賊載滿船外仍將客船餘貨拋置海底併行燒燬一空似此兇暴較之尋常盜賊迥然不同卽云前經議有工銀之水手瞿灣絲瓜朱三殷二樁子三人俱係騙入法

網與起意同謀出洋爲盜者有聞其陳月額勝宋蘇
單裕三等與翟增五俱係實在江洋大盜該撫既照
律擬以斬梟乃復以該犯等並未糾約三人以上及
並未行劫三案以上概以情有可原定擬殊屬寬縱
除盜首翟增五等在逃俟緝獲到日再行定擬外其
陳月額勝等七人應令該撫嚴行分別實在出洋行
劫情形按例妥擬具題到日再議其陳月等行劫卜
文亮一案現據該撫具題將陳月等歸于此案完結
別無擬罪人犯此案現在駁查毋庸重複題覆奉

旨部改甚是依議欽此咨行去後茲據該撫安 聲明陳
月等俱係一時被誘出口與盤踞帛嶼專攻剽劫者
有聞且援引從前辦過周文表等一案均係分別正
法減等仍照原議具題應如該撫所擬完結乾隆十
三年五月 日奉

旨依議

盜犯限內自首地方官不准議敘駁案

刑部會議得程明勃家被劫獲盜滕六等一案據湖
撫彭 疏稱此案盜數十人俱於疎防限內全獲原
奏疎防應請開復照例議敘所有限內全獲盜犯職
名係孝恩縣知縣方囑漢陽府通判馮士章相應開
報聽候部議等語查滕六等乾隆十二年十一月二
十一日行劫至十三年二月十二等日拿獲雖在限
內但查此案內縣盜劉惟接一名係該犯抱贖自首
始將一案夥盜全獲並非該員等自行訪拿與全獲

盜犯議敘之例不符毋庸議乾隆十四年七月

日奉

旨依議

以藥迷人掠取銀錢分贓夥犯緊改縣決

刑部題先據廣西撫審題土忠州民李恒生聽從羅國俊叔姪藥迷張世隆之母并子張恒叩掠取銀錢衣物一案緣羅國俊探知張世隆之母張氏家有積蓄伊姪曉得閩藥商之李恒生同往迷閩竊財分用李恒生以張氏熟識不肯允從追後相遇羅國俊復商前事李恒生仍不允從羅國俊以止令引帶借欺伊叔姪自行下藥事發斷不扳累之語李恒生允從是日羅國俊在彼等候其時張世隆在外生理張氏

同孫恒叩在家李恒生先自進屋聲言有同伴兩人
借歇張氏不允李恒生言係鄉親張氏始允羅國俊
煮好稀飯暗將悶藥下入卽乘二碗交李恒生轉遞
張氏張氏卽遂各食畢就寢未幾俱各悶迷羅國俊
屬李恒生守門自同伊姪進屋偷掠將張氏箱內銀
錢衣飾偷取而出分贓各散次早張世隆之妻倩趕
張世隆回家救醒報州獲犯供認不諱除羅國俊務
獲另結外將現犯李恒生依以藥迷人圖財律擬斬
立決并聲明李恒生係從羅國俊入夥現止一次

並非親手下藥尙屬可疑具題經臣部以羅爾俊等
藥迷張氏始於李恒生引去誘令借歇及羅爾俊告
知飯內下藥盛飯與食張氏因却亦係該犯遞給勸
食至被悶迷攬匪俄分情無可原應令該督詳加確
審務得實情按律妥擬到日再議題駁去後續據該
撫將李恒生改依以藥迷入圖財律擬斬立決具題
乾隆十五年四月 日刑部照擬議覆奉
旨李恒生著卹處斬餘依議

捕役疑匪誣拿父子拷打致死設改父子一
刑部題據蘇撫審題龐大等私拷邵關致廢并罰二
等秦屍滅跡一案緣龐大繼父龔全向充縣捕與司
班捕役龐小五巡夜窺見邵關疑爲竊匪拿至家中
將邵關兩手扎縛抹住兩膝蓋下將木棍穿入腿灣
用笏駕起盤詰不認龔全卽用棒槌毆其足底適有
王發邀約龔全飲酒龔全出外令子龐大詢問龐大
亦用棒槌連擊邵關足底七八下邵關終不認竊經
龔大之母孫氏喝止解放龐大因邵關嘴強意欲再

毆其腿邵關以身蹲下致傷腰眼詎邵關受傷深重
是夜殞命龔全歸家查看邵關已斃畏累逃避孫氏
卽同僱工馮二并龔大將屍抬棄河內經縣訪聞獲
犯審認不諱將龔大依例擬斬監候龔全擬軍具題
經臣部以例內番役誣陷無辜妄刑致斃人命者以
故殺論不准援

赦又律內以威力主使他人毆打致死者並以主使之
人爲首下手之人爲從各等語今此案捕役龔全誣
拿平人邵關捆打及伊外出又囑伊子龔大冉

行拷訊以致邪關傷重殞命如

龔全止

誦問並無害命之心殊不知凡抽役誣拿拷打均無

欲殺之心但因拷致斃自應依律以主使之人擬抵

且龔大並非捕役尤未便照緝役定擬乃該撫將龔

從主使之龔大依番役妄刑致斃人命例擬斬將誣

拿相毆主使拷訊之捕役龔全從輕擬軍與律不符

事關出入生死未便草率完結應令該撫詳察案情

妥擬到日再議題駁去後今據該撫將龔大改依誣

良爲盜例擬軍龔全改依番役妄刑拷打致斃人命

創擬新監候具題臣部照擬
乾隆十七年三月

日奉

旨展全依擬應新著監候秋後處
決餘依議

更夫緝賊將人辱罵聲言送官以致自盡駁改

因事用強發遣

刑部 題據湖撫審題監利民謝貴毆傷何山宗身
死一案查謝貴雖非捕役亦無恐嚇情事將謝貴比
照捕役誣竊爲盜逼認因而致死律絞候等因具題
經臣部以例載捕役人等奉差緝賊其人本係良民
捏稱形跡可疑素行不軌妄行拿獲私行拷打嚇詐
財物逼勒認盜照誣良爲盜例治罪又例載誣竊爲
盜嚇詐逼認因而致死者照誣告致死律絞候各等

語細繹例意蓋指明其人非盜誣捏妄拿用強威嚇詐取財物逼勒誣認因而致死者而言今此案謝貴身充更夫因陳三牛隻被竊令其找尋謝貴因何山宗不認輒行辱罵謝貴被罵氣忿隨掌傷何山宗左腮朕接連耳輪耳垂耳敷聲言送官刑訊並未拷打逼認亦無嚇詐情事而何山宗投水自盡乃係氣忿不甘所致大因事用強毆打威逼致死果有致命重傷雖有自盡實跡例內自有明條該撫既稱並無嚇詐情事而又將謝貴比照捕役誣竊爲盜逼認因

而致死例擬絞監候殊未允協事關出入不便率結
應令該撫再行詳審按何公擬具題到日再議等因
題駁去後續據該撫將謝貴改依因事用強毆打威
逼人致死律擬軍具題臣部于乾隆十七年七月內
議覆奉

旨依議

戸名	新井 三郎	〒	111
住所	東京都中央区新富町一丁目	電話	111-1111
職業	会社員	性別	男
年齢	30	生年	1980
学歴	大学	卒年	2000
収入	100万円	支出	50万円
資産	1000万円	負債	0万円
家族	妻、子2人	健康	良好
趣味	読書、旅行	宗教	無宗教
その他		備考	

審錯重犯駁後改正將未加功犯擬斬部駁不
行改正奉 旨提審承問官議處

刑部爲遵

旨會審具奏事該臣等會議得老格被勒身死究出盜
情一案查金州因伊弟老格犯盜畏懼受累起意勒
死直認不諱核之前後供詞均屬符合是金州爲謀
殺正克實無疑義其該犯從前原供蘇麻兒圖幫同
下手之處審訊蘇麻兒圖堅供並無幫勒情事第恐
該犯等有中途賄囑串供希圖脫卸情弊應加刑訊

不准該犯極口稱冤卽夾訊金州亦堅稱實係亦時
挾仇誣扳似無遁情查定例故殺期親弟妹者擬絞
監候等語金州除誣扳蘇麻兒圖幫同加功勒死者
格之處罪止擬流輕罪不議外應將金州依故殺期
親弟妹照故殺大功弟妹例擬絞監候秋後處決仍
解回奉省牢固監候入于本省秋審至金州續供烏
蘭班弟賴岱二人幫同下手之處該犯案越五載屢
經審訊並無是供卽該犯到部初供亦無烏蘭班弟
等加功之語今忽翻異或係挾嫌誣扳抑或有意要

供希冀狡展均未可定應行文

盛京刑部會同奉天府府尹將烏蘭班弟等有无加功
情事審明分別題咨完結蘇麻兒圖現在審明並無
幫同金州勒死老格情事應送回奉省俟審明烏蘭
班弟贖償之日交旗省釋再此案行劫托克托虎家
夥盜吳大海既自認隨同老格上盜分贓自屬此案
正盜無疑核其上盜情形原係撥門入室携贓潛逃
拾棍一擊究在黑暗之中非持械逞兇捆縛架掠事
主者可比與情有可原之例相符至溫查翻供嚴夾

邇時該犯極口稱冤似非正盜但吳大海刑訊之下
仍供溫查同夥是實且據金州原供訊問被勒盜首
老格曾有糾約溫查同夥上盜之語未便據溫查一
時翻供據行開脫查盜首老格被勒身死夥盜姜飛
刀尚未緝獲事主白氏又因病身故其接捺之處別
無質証且賍跡究未明確該二犯均係隨從上盜行
劫僅止一次吳大海溫查均應照情有可原免死減
等例先決從罪發遣查吳大海溫查均係旗人例應
僉妻發遣應將該二犯暫行監禁行文

盛京刑部作速詳查該犯等妻室飭令伊妻兄馬即送
到部以便一并轉送云部分發西安等處請四駐防
省城當差吳大海在部供認分得贓銀七錢零錢二
弔照追給主收領遵盜姜飛刀行令

盛京刑部轉飭嚴緝務獲另行審擬題結事主托克托
虎冒開贓物例應杖八十但事在

恩赦以前應予援免其失察胥人爲盜之各該管官應聽
該將軍自行查參再奉天府府尹鄂 辦理此案始
雖會同題結後經部駁覆審並未盡題至調任

盛京刑部侍郎富 題結此案之時雖未能審出實情

今俱已公同審出改正奏明查承審命盜案件務須
細心研鞠詳繹案情賊証確鑿方可定擬罪名今

盛京刑部侍郎富 奉天府府尹鄂 等承審此案將

供詞游移賊証未明之案遽將隨從上盜之吳大海
等擬以立決又將並未帶同金州勒死老格之蘇麻
兒圖擬斬監候具題經刑部以賊跡未明駁令再審
仍未審明改正若非

特旨提犯來京秉公會審恐至並未加功之蘇麻兒圖問

成大辟不便照遵駁改正之例查議至府尹鄂部
駁再審雖未盡題其從前誤定罪名已會同該侍郎
具題亦應查議查定例官員承問人犯如將無干之
人擬決者承問官革職暫撫降三級調用等語應將
盛京刑部侍郎今調內閣學士補授鑲紅旂漢軍副都
統富奉天府府尹鄂均比照暫撫例降三級調
用查富
有紀錄四次應銷去紀錄四次抵降一級
仍降二級調用鄂
有軍功紀錄三次尋常紀錄七
次應銷去軍功紀錄三次尋常紀錄六次抵降三級

免其降調其從前議結此案之

盛京刑部司員並承審之該地方旗民各官均在奉省
無從改正應令

盛京刑部轉行各該衙門查取職名咨送吏兵二部核
議至前任侍郎鍾 郎中馬星阿從前承辦此案因
各犯供詞游移疑竇種種賍跡未明咨請部示俟緝
獲姜飛刀追出真贓另行辦理與無故遲延者不同
今此案業經遵

旨是犯到部會同審明分別核擬有釋再查此案蘇麻

兒圖既非幫同金州致死老格正犯該侍郎等卽應將蘇麻兒圖先行審釋乃從前亦以贓跡未明一并待質雖未成招定擬亦屬未合應將從前承辦此案之

盛京刑部侍郎今調陝西巡撫鍾 調任郎中馬星阿均照不應禁而禁杖六十公罪律罰俸一年但事在乾隆十五年八月初四日

恩詔以前相應寬免可也乾隆十八年四月 日奉

旨金州依擬應絞著監候秋後處決富森著銷去紀錄四

次以降二級調用鄂寶着銷去軍功紀錄三次尋常
紀錄六次免其降調餘依議

